

25. April 2017

Siunnersuut:Inatsisartut Ombudsmandiat pillugu Inatsisartut inatsisaat nr. x, xx.xx.2017-imeersoq

Naalakkersuisut inatsisissatut saqqummiussaannut pingaaruteqarluinnartumut soqutiginnartumullu Siumumiit imak oqaaseqassaagut.

Inatsisartut Ombudsmandiata suliaasai ukiuni kingullerni kisitsisitigut takuneqarsinnaasutut annertu-siartuinnartutut oqaatigineqarsinnaapput. Taamaattumik nunatta iluani pisunut angisuunut suliaasannullu misissorneqartariaqartunut Inatsisartut Ombudsmandiat qanoq pisariaqarluinnarlunilu pingaaruteqarluinnartiginera oqaatigisinnaavarput.

Naalakkersuisut saqqummiussaminni oqaatigaat Inatsisartut Ombudsmandiata Kalaallit Nunaanni Namminersorlutik Oqartussat kommunillu ataanni pisortat ingerlatsivii Inatsisartut Ombudsmandiata sulinerani pineqartunut ilaatinneqartut, taamaattumik Inatsisartut Ombudsmandiata paaqqinniffiit/ suliffeqarfiit Kalaallit Nunaanni Namminersorlutik Oqartussat kommunillu ataaniittut misissuiffigisinnaassagai.

Kiffaangissusiiagaasimasut naalliutsinneqannginnissaat ajornerusumillu atugaqannginnissaat Inatsisartut Ombudsmandiata suliaasaanut pingaarutilinnut ilaalernalera pissusissamisoortutut isigatsigu Siumumiit nalunaarutigissavarput, taamaattumik Naalakkersuisut saqqummiussaata tamakkiisumik taperserparput.

Ilanngullugu eqqaasallugu pingaartipparput eqqartuusivik aalajangiitinnikkaluarlugu paaqqinniffinni/suliffeqarfinni namminersortuni inuit kiffaangissusiiagaaffigisimasaanni kiffaangissusiiagaaffigisinnaasaanilluunniit misissuisinnaaneq Inatsisartut Ombudsmandiata pisinnaatitaaffigilissammagu. Tamatuma erseqqissumik takutippaa nunatta iluani naapertuuttumik pineqarnissaq nakutigineqarnissarlu qanoq pingaarluinnartigisoq qulakkeersimassallugu, taamaasillugu inuit pisinnaatitaaffiat naapertorlugu ileqqorissaartumillu sullinneqarnissaq tunngavilersinnaaqullugu.

Taamak oqaaseqarluta inatsisissatut siunnersuut manna Inatsiseqarnermut ataatsimiititaliamut aappasaaneerseqarnissaa sioqqullugu suliarineqarnissaa innersuupparput.

Anders Olsen
Siumut